



渠丘耳夢錄乙集目次

黃選部

王參知

馬明經

馬孝廉

曹儀部

曹中丞

劉雙鶴詞

王菊逸樂府

訓兒小說

玉楮集

洪昉思贈曲

寒輝潔公

袖石道人梁氏

朱記室

渠丘耳夢錄乙集

斟亭 張 貞 元叟

黃選部

黃公禎字德兆號海野嘉靖癸未進士爲兵部  
郎中坐失火免歸復起吏部郎中又以人言免  
官家居獨坐一小樓日事吟詠力追古作予偶  
讀公集摘錄古體數首如孤竹固有筠松柏亦  
有心與子結綢繆將以永素音藻萍生水上女  
蘿蔓山隈沉浮各異性匠者無枉材君子秉高

義賤妾亦曷乖生結芙蓉枝落爲清路苔歲寒  
亮不易宛轉依君階

冉冉孤  
生竹

久矣寤田疇役役

牽耕祿珪璋匪素心願言歸空谷川流竟東之  
燕爵巢舊屋曰余草間人疎曠憚跼束荒徑賤  
天桃園花開躑躅童穉醜我顏父老訊墳墓阡  
陌藹若眠春禽呼布穀澗毛戲文鯉膏雨陰夏  
木拂拂柴門清芊芊原田綠及我尚能酌欣然  
返初服朝陽往於田負耒昏聿歇田家長苦辛  
宵爾事蠶月露行濕春星風林坐蓬髮濁漉自

適意將以勞寂蔑夫婦愛相酬傾壺念冀缺躬  
耕述祖德養生聊自娛延陵矯高翼樹彼夷齊  
居沮溺亦孤迅人各有所如每每原上田歲糲  
千石租驅牛四十頭備力一百夫適口要幾何  
陶頓非吾徒人生若浮塏忽與飄風俱暄日摘  
葵藿閒情攜我壺得醉肝腑熱偃然臥桑榆榮  
名將無賴爲善示不誣

擬陶歸田  
園居三首

少齡雅幽賞

種樹東山阿丹萸亂總翠風木矯雲蘿靈竅互  
和答珍鳥亦來過一誤鷲塵撥荒落嗟如何嘉

樹何挺挺甘泉不自竭沈念結中曲感激生啐  
咄達士息塊然道人揭日月飭躬嗾衆口紈素  
易污蠖天機貴適如物性茂時發春蹊桃李榮  
秋飄紫蘭茁放神乃驚世務名道固闕何以處  
不才浮游跳塵絕去之大澤中不若逃窮髮伊  
誰岐路間啜涕悲秦越中夜攬明月行吟歎幽  
獨秋風生遠思孤鴻號北陸翔鳥芳樹端促織  
唵我屋歲暮念攝生輾轉倍煩懊黃鵠志千里  
不如燕雀良天馬西極羣不如驪與黃驪黃載

鑿衡燕雀巢君梁風雲起高會物理固難量蟋  
蟀秋夜吟躋我芙蓉堂來日以何短秋夜以何  
長擘衣埃清旦躑躅復徬徨海市何杳靄仙人  
好樓居仙人不可見樓閣幻化餘秦皇巡海上  
漢武多上書白髮非瑤草安得再華予永念祛  
煩慮湛命守中虛南游躡嵩高披雲陟少室俯  
瞰清江波仰窺凌太乙王子坐吹笙處妃弄瑤  
瑟徜徉泝洛浦遺襟江之妙美人不可招歸心  
生煩勞漢家夸武庫樞屬大將軍衛霍列甲第

田魏竟相吞冠蓋蔽白日飛甍摩青雲缺客雜  
珠屣日夜游其門誰知汲長孺談笑揖貴君秦  
家丹桂樓美人弄明月對月理清曲哀哀如慙  
說一彈悲朱顏再彈悲素髮茲急颯淒風憂來  
若恍惚明河響秋夕活活峨眉巔聞有愁思婦  
天上悲汎瀾借問愁者誰云是牛女歎牛星隔  
星渚望望河之干相去但清淺揭別常經年間  
房睽清暉澄夕星月朗蘭氣夜襲人繁露綴重  
網于役息中林改服契心賞睽極思所歡感來

喟向往青陽每時歌玄珠會明兩自非羨門生  
誰能游罔象白日傾西陸玄冬無永朝蟄虫壞  
幽瑾北風鳴枯條雨雪紛我塗豺虎夾路嗥孤  
雁噉中野淒痲悲蘭茗人命若秋艸安得不早  
凋仙人王子晉遺世嘉游遨

感述十  
一首 真棲豈自

愛反招斯渾俗曼倩隱金門談諧亦苟祿沮溺  
良苦心楚狂介孤獨滄浪濯塵纓二疏頗知足  
丘園本素心組緜及明淑明義君子徒存道爰  
白牧智哉山梁雌水草時飲啄東門悲既晚南

山亦殺菽蕨薇茂周仁沉幾覲孔隩矯情抑何  
為齊物匪至穀反反招乍霽步郊垆賞心久違

隱詩

翫披豁行且謠窈窕經花甸木杪滴餘響葉心  
露饒炫雲微曳蜿虹神颯拂葱蒨一漑悟化理

疲極想疎散我本山中人城術久羈冒警彼籠  
裏翻遐舉鍛塵爨白雲日英英招搖過庭院起

予石泉想桂枝結彌願

雨後游北田

晨興志無垢颯

沓趣爽朗若木散朱霞陽晶赫未上喈喈戲翳  
砌啁啁弄音響我時散髮行露華霑我裳叶澄

襟抽蚤思煩慮滌陳想開關舍之去此路以何

象周道闢荆榛廣坐紛魍魎游汎軻氏篇夜氣

企歆仰

晨起

鐘鼓起東解城陰多悲風洗觥光有

孚絲竹羅堂中良讌徂炎景爽霽澄我衷流颯

扇櫺闥邃宇厥玲瓏令尹且公暇撫時懽予同

齊謳激哀楚優孟感人窮

宴東

東田陟蘭皋別

業山之麓夕日銜嶺頭山人嘯東谷颺颺晚風

細輕雲淡水木曳屨尋友朋溪月上茆屋

東田

王參知

大叅王公諱孟煦字育明一字念野萬曆丙戌  
進士選翰林庶吉士授禮科給事中累遷至江  
西叅政曾懷曠達超然人外鍾龍淵先生謂其  
詩文冲雅間遠有餐霞御風之興詩多散佚僅  
存雲耕山房稿一卷爲錄五言近體數首一徑  
林中仄諸天象外幽興來同命駕老去獨驚秋  
古木棲寒渚輕煙度白鷗鄉心託逝水日向故  
園流同曾守鈍劉用莫謂滄洲遠乾坤此勝游  
之出游萬泉寺  
人間官似隱地僻夏疑秋揮塵窻雲亂開軒荷

雨收焚香終日坐心事水中鷗一院淡淡裏涼  
陰處處通淡煙開茂竹清露引初桐身爲忘機  
下花因過雨紅從來多野興對此意無窮消搖  
中散地渾樸上皇時鶴立拋雲石蟬鳴傍戶枝  
臨池譚每劇步月出常遲曼倩金門隱應知不  
我欺夏日館中  
卽事三首高槐臨小院良夜坐佳賓雞黍  
尊前月風塵物外身和歌今日事招隱異時人  
君但能乘興相過未厭貧龍劍合今夕雄心自  
古人涼雲依戶牖明月滿松筠不有尊中酒其

如客裏身何當拚一醉此際少風塵夏日朱汝修滕晉生

劉敬甫過山房看月得身字二首野竹疎愈翠秋山晚更青鷗

眠潭底影鶴惜雨餘翎倚杖分苔蘚投竿散水

萍斜陽蟬滿樹嫋嫋隔江聽洪陽先生阿舅來

初夏潘郎第復春捲簾花氣重入坐鳥聲頻佳

句薄陶謝時名比鳳麟分猷衡鑑地會見主恩

新潘氏莊行年欲半百猶苦寸心違不變嵇生

嬾能無伯玉非青山頻入夢白髮未言歸聊此

一尊酒長唸對落暉商於遣興昔聞百泉勝今泛百

泉游殘雪猶明斥輕煙已入舟棹回山為轉波

激草如流遮莫湖聲晚清尊興不休立春後百泉泛舟

今日復明日何時二月初春風送客棹梁苑駐

征車呼婦開新甕當窻理舊書陶然取一醉富

貴欲何如久客河北小吏慰以二月初可還大梁

馬明經

馬翼辰天撰為余中表兄弟相與同學舍共晨

夕者垂三十年已已下世忽忽二十年矣偶檢

敝篋得詩數章皆其當日手書示余者為亟錄

之以寄人琴之慟和李會先贈劉將軍畫馬云  
將軍新破貳師還笑染驪駒意氣間八駿嘶風  
來海上六龍逐電到人間桃花亂映黃金勒柳  
線輕飄白玉環半幅生綃增色相一時錯認賀  
蘭山書影齋夜坐云一杖真成汗漫遊壯心聊  
借酒杯收座中佳句全同雪簾外輕寒半似秋  
息駕徒慚徐孺榻分光竊附李膺舟詞壇二仲  
堪千古且莫臨風動客愁次曹實菴懷舊云羞  
聽旁人說壯遊嵒湖煙水幾驚秋狂來對酒憐

青眼老去談經笑白頭三徑松陰成我嬾兩行  
屐齒許君畱相逢縱爾貽佳句曲裏陽春不解  
愁題原思山意草堂云半幅煙霞影平黍茆屋  
痕避人雙白眼畱客一青樽遠岫雲生樹長堤  
水到門梵音時入耳華髮欲全髡

馬孝廉

馬三如長春詩才清異然不多作一生僅存三  
十餘首其游沂山觀百丈崖瀑布長篇尤爲王  
阮亭先生所賞先生有詩寄之兼以示余云先

生負俗癖雅懷山水情沂山看秋瀑往往抱琴  
行吟詩楓櫛林白燒折足鑄曼聲塵落帽噉噉  
哀猿鳴山田高於屋牛在屋上耕三如此語非詩句  
世人欲與東野爭詩成寫團扇持以贈平生何  
時看瀑來一觴聊共傾

曹儀部

曹實菴儀部與其弟澹餘皆以詩名於時實菴  
天才雄放且久官都門日與四方名勝更唱迭  
和篇章尤富不能盡錄錄其爲余作者數首病

起與杞園小飲云胷中磊塊無時無形貌雖腴  
神明臞連宵氣急勢澎湃隱囊假寐難須臾兀  
然跌坐等枯木鏡前影弄鬢兼鬚牀頭熟釀故  
鄉麴潺湲入耳神魂趨倏傾一醖沃焦釜恐置  
冰炭勞醫巫今日故人對清嘯二豎無煩桃菊  
驅一舉十觴那成醉酒懷浩蕩凌江湖中年作  
惡賴陶寫絲竹嘔啞非良圖無寧揮塵共譚笑  
唾壺擊碎歌嗚嗚枚生七發酒德頌恍惚置我  
鴻濛都心和氣平理則壽五岳方寸何區區中

秋後一日送杞園東歸二載始相見聚首纔一  
月蒼然秋色中重與故人別子來觀國光巍峩  
瞻帝闕紅燭燒已殘勝負殊未決云何揮手  
去歸路馬蹙躡易水流湯湯蘆溝沙似雪荒原  
帶兵氣風雨莽淒切心知念倚閭浮名非所屑  
因之感余懷憂來不能輟杞園輯寶典成詩以  
贈之博物何人號冠軍風流思曼若爲羣平分  
秦相磨厓筆徧勒周王石鼓文座側青箱移歲  
月腕中不律走風雲詞華愧我蕭條甚欲問雞

窗乞碧芸過杞園齋頭贈李象先兄弟云爛熳  
春光流水俱枝頭好鳥自相呼竹林初入誰高  
士白社重來愧酒徒千古文章推海嶽一尊風  
雨對菰蘆擬將五色天孫錦繡作東園二仲圖  
謝杞園贈墨云君家文物煥縹緗珍重陳玄出  
豹囊千杵何人規作月一丸我欲喚爲莊光分  
側理寧辭染價借龍賓未許方守黑祗今成快  
友從教頰首十三行客廣陵送杞園之白門云  
送子秦淮拂釣磯石城煙雨碧山圍船從朱雀

桁邊去燕自烏衣巷口飛千里同人時載酒一  
番握手未成歸舊題名處應還在芳草萋萋正  
染衣劉子羽見寄詩集悵然有懷并致渭清杞  
園云老去悲歌慨以慷一緘冰雪動光芒敢云  
針芥同欣賞如有鬚眉對激昂別後更誰償酒  
債年來真怪減慳囊寄書故里洪陀長夢裏琅  
邪道路長中秋二首呈杞園中年佳節助酸辛  
況復天涯憶遠人弱子無知還待月病夫當酒  
易傷神故交失意明朝別孤燭離筵此夕真簫

鼓誰家仍得醉不堪夢裏到濰濱兩子諸孫皆  
遠道獨畱白髮倚柴扉風塵北地憐浮梗瘴癘  
南天憶釣磯何物世間愁得似偶來塞上雁初  
飛清光猶是當年好底事婆娑與願違熱甚與  
杞園話舊陽鳥不動火雲紅儘舍相看似病翁  
却憶西園亭子好萬竿脩竹一簾風

曹中丞

曹澹餘中丞才情藻麗其在翰林時詩以清婉  
爲工後撫黔南值吳逆之變身陷賊中幽憤結

輜語多悽悵令人不忍卒讀遺集俱在聊摘數  
聯存之五言云山青寒食雨樹綠夕陽天六年  
京國夢萬里夜郎人雄關千嶂逼絕壁一江穿  
橘柚黃昏雨跼蹐里社祠一鐙寒夜永孤榻老  
僧鄰秋澹星河影江騰戰伐聲峯遠涼催雁籬  
荒晚聚螢月白蒹葭渚風黃橘柚邨白雲江上  
路紅葉雨中山孤城殘燭影十里亂鴉聲亂峯  
迷舊國積雨妒重陽微雲窺牖過夕照上蕉明  
秋鐙江上寺野哭郭邊邨斜陽隨屨改寒樹倚

江明一髮看舟落千尋逐鳥斜亂久身爲患鄉  
遙夢屢訛瘴淡寒葉落秋老斷蓬飛十年身一  
葉萬里鬢雙星七言云人同社燕家南北書憶  
江鴻信有無千山夜雨侵鼙鼓萬里餘生慎網  
羅愁心暗比江籬長歸夢渾如夜漏遲關河信  
斷邊烽老南北秋生旅雁閒短髮晨梳同落葉  
浮生晚繫類游絲欲歌欲哭三年客將信將疑  
萬里身戎馬關河雙涕淚蠻荒風雨六清明千  
里風煙沅水月一生心事越山薇一階黃葉三

更雨四郭青山萬里人泉僻似聞龍出浴月明  
曾見虎當門雙江曲抱孤城轉萬馬平屯野斥  
疎魂傷烽火家仍在人到春風病未除婪尾尊  
開朋舊少斷腸書就雁鴻疎官閣鳥鳴梅影外  
離筵人醉雨聲中烽高粵瘴千重黑秋老蠻煙  
一派青五律家中寄棗脯至棗傳鄉味重封寄  
到羅施計日憐家遠開函見母慈漢廷羞曼倩  
瀛海憶安期尚想孩提樂登堂索果時絕句聞  
鷓鴣云小鳥頻相勸羈人感倍多也知行不得

難住又如何寒食云寒食山頭自閉門柳煙榆  
火冷江邨故園抔土無由見惟有鄉農是子孫  
五日郭外云磯畔殘陽小閣遮野田流水繞山  
斜新秧未綠菰蒲淺五月初開蕎麥花送李卓  
菴云兵戈悽斷楚江湄君去滇南慎莫悲回首  
故鄉真萬里此生倘有夢還時宿水東橋云邵  
陽東去接衡陽楚塞江流一倍長客路不同鄉  
夢斷又隨征雁過三湘題畫云壁上分明江上  
山夸猶策笠傲人間湘東十月無霜雪秋在楓

林小艇間

劉雙鶴詞

劉君雙鶴諱如松雲川公長子嘉靖庚子舉人  
 令柏鄉晉大興知縣有秋詞曰客寓驚秋塞雁  
 南飛人倚樓但只見山山水水雨雨風風悶悶  
 愁愁天涯日暮碧雲收籬邊霜冷黃花瘦離恨  
 無休離恨無休寒蛩聲裏月明時候一時傳唱  
 播之宮中肅宗見之曰此人有才惜乎不壽以  
 其詞太淒清耳後左遷廣昌尋卒

王菊逸樂府

王生克篤字菊逸受山里人籍諸生才情藻麗  
 工于詞曲隱居甯泉不喜結納故鮮知者卒無  
 子有樂府一冊近百闕人豔傳之聊錄數調以  
 見一斑其感事醉太平云慣非為作反好逞精  
 弄怪千方百計巧安排屋簷上天矮露珠兒引  
 起黃河派樹葉兒打破天靈蓋三角瓦絆倒老  
 員外再休去撞采放倒身施為拍破手算計  
 漫天潑地治莊宅到幾時足矣撥牙籌日夜勞

心力約鴻溝抵死爭間氣送空船那樣變便安  
怕冤家路窄。清湛湛蒼穹。黑洞洞前程。乘除  
加減。自分明。空攜風捕影。金鋼鑽鑽不入琉璃  
甕。海上方醫不好傳。槽病破茶船撐不到斗牛  
宮。請先生自省。罩下魚撒網現捏佛燒香薄  
薄眼皮小心腸會撓疼搔癢番花閃草時興樣  
單眉細眼風流像拖枝曳蔓好聲響。傻聽了半  
晌。俏雙生手窘醜馮魁販金小蘇卿暗定了  
促頭針閉着眼打盹碎文章不如把鵝鴿糞破

書箱跟不上盛錢囤三簷帽強似頂破頭巾暗  
地裏自晒。護身符到手蜚蜋皮一丟陽施陰  
設逞戈矛幹家私銅斗做閻王不嫌小鬼瘦掌  
天秤只要星兒够趕脚的儘着懶驢愁愛饅頭  
可口。血汗珠洗脚肋條肉喂猫家家給一扇  
許由瓢向沿門乞討翻磚揭瓦將街房鬧捶掇  
跌足把皇天叫典兒賣女往外邊逃俺只推不  
曉。賴祖宗慶衍託天地周全豐衣足食美田  
園心遂意滿一人得志千人怨一家成就千家

散十年富貴百年冤看殷鑒不遠 買田宅數

區積金珠百斛前堂後閣錦模糊列嬌娃俊僕

百忙裏走不出無常路急回頭早上輪迴簿無

來由做了場守錢奴誰便安誰苦其詛破錢

步嬌云半輪明月塵中現拾起真堪羨手擎着

顛又顛幾度徘徊數番畱戀好一箇回生起死

利市仙恨女媧不把青石煉折桂令論根基今

古流傳籍占金穴跡鑄銅山面貌團圓眼孔方

正字號周全他也曾排金門入紫闈人人稀罕

他也曾串九州游六合處處珍玩洞府神仙洛

下英賢見我家兄執手盤桓江兒水包府尹連

忙笑溫御史不肯彈鐵菩薩擡起頭來看惡夜

又偷放開鬼門關狠閻羅私改了輪迴案大鬧

了靈霄寶殿撼海搖山把幾件不平事生生買

免雁兒落則為你親戚情不往還則為你骨肉

恩成冰炭則為你冷淡了相識面則為你阻斷

了風月緣得勝令呀則為你昧着心夜夜將空

船搬則為你瞞着已時時將牙籌算則為你戰

兢兢渡了些楊子江風和浪。則為你遠迢迢走  
 了些太行山險又顛。銅錢你殺人呵。勝似口三  
 尺龍泉劍。雙邊你救人呵。強如丸九轉不老丹。  
 僥僥令。謾託書千卷。休誇策萬言。儘你是伶牙  
 俐齒。聰明漢手裏無時。怎禁得人憎鬼也嫌。尾  
 從來惟有文章賤。凡世之人。只重錢。買一箇瞥  
 煞。貓來細細的。償其貧中樂。步步嬌云今朝有  
 酒今朝樂。明日君休料。萬事等鴻毛。一醉陶陶  
 百樣愁。消繳憑火屋上。着不顧油瓶倒。折桂令

上牀來鞦履相拋。逞甚嘍囉賣。甚乖覺霸王英  
 雄石崇豪富。韓信功勞百年身。浮萍風掃一場  
 話。傀儡肩挑一品當朝。萬貫纏腰。有一日那話  
 來時。呀的聲難躲難逃。江兒水歎了口長吁氣

落了些無下稍惹了些蝸角胡廝鬧。搏了些蠅  
 頭苦更焦。看他天涯歲寄。經營擾去韶顏給還  
 衰貌。碌碌奔波到不如。酒風頭便安了。雁兒落  
 俺而今塌了天。尋不着俺。又無孩子們來聒吵  
 俺。蘆花被煖似錦紋綃。俺草茅簷下不讓蓬萊

島俺綠楊池景不減西湖妙俺散幽情遶林泉  
 步畫橋山樵溪釣歸來蚤斷簡殘編撩興高終  
 日把瑤琴獨抱土炕上獻牙歪帶着巾子翻披  
 着布襖得勝令中間裏坐着箇老兒叨兩邊廂  
 列着些家中寶一箇家喜孜孜抱酒壺一箇家  
 慌悵悵燒茶銚呀瓶兒裏忙把螃蟹炒鍋兒裏  
 爛將蔓精燒霎時間直嚷的參兒落把一箇甕  
 頭清撇到糟叨騷唱一會喎喎學驢叫窈窕舞  
 一回捕塌跌一交僥僥令鋪着箇連棍倒枕着

扇窖料瓢睡一會忽嚕嚕安穩覺那管他紅日  
 三杆曬着腰尾從今悟却邯鄲道水底休將明  
 月撈老健曠溝裏倒一倒其自歎雙調新水令

云融融紅日映山窻攬青銅幾番惆悵心驚歲  
 月指點舊行藏逝矣流光又早五旬之上駐馬

聽薄雲殘陽百事無成倍慘傷悒悒悵悵朝來  
 風雨總難量看這箇蠅頭蝸角等尋常都做了

鏡花水月誰承望子細端詳主人翁不似年時  
 壯水仙子只見短髮凋颯寸寸霜病齒玲瓏箇

箇長亂紋穿滿腮額眶這三般心自想老來催  
 心事悒快富貴運逢梟煞兒女星坐空亾歎浮  
 生枉自忙沉醉東風愁擔兒沉沉難放苦葫蘆  
 暗暗自嘗臨厓樹水早衝枯根草霜偏降似俺  
 這福薄人百孔千瘡無那無能可怎當誰替俺  
 憩息半晌折桂令母年高菽水清涼病喘系系  
 風燭難防門戶蕭條田園荒蕪骨肉參商厮守  
 的老伴妻殘疾羸尪傳家的豚犬姪蠢懦孤孀  
 世態炎涼人事周章觸目驚駭舉手愴惶離亭

晏歇拍煞又無箇

爹親娘舅相憑仗又無箇三

兄六弟相依傍正遇着歲殘年荒孟常君緊閉  
 門龐居士牢封國王十萬忙收帳無一粒站脚  
 糧那得根剔牙棒也叫人無的思量空有些爛  
 文章怎生嚼喬字帖不堪煮破書櫃不中向只  
 落的愁腸日九迴再休提豪氣三千丈聽從頭  
 細講本是五百劫欠冤債的蒼生又墮在黃蘗  
 海叫我遭疼受癢

訓兒小說

布衣曹振寰先生

應聲

有訓兒小說一書先叔理

天雄時曾刻于署中且序之略曰振寰爲吾邑世家業儒未就逃名遠邨溪山自娛非親知大故足迹不履市城晚歲益力于學日督兩郎躬親鉏耒暇隙卽課以詩書耕讀而外澹然無營矣余髫年與振寰同研席稱莫逆交庚午冬以公車之役下帷其家見二子出入周旋整齊嚴肅全無噉噫嚏咳欠伸跛倚習氣怪而叩之乃出其訓兒小說以示披覽數過踞理尊而不僻

位身峻而不傲洞徹物情而不涉于怒詈叫囂語語皆尋常軌物而大學誠正之義寓乎其中匪僅後學津梁已也凡體味乎茲者庶幾知海寓山城中不乏尚德之隱君子乎謹錄數則于左  
耕讀儒家之常然古人下字不無斟酌蓋曰學者以治生爲本耕而不讀不過樸陋無文尚不失仰事俯育之資讀而不耕幸而成上也  
不幸而無成又貧乏無資其一種酸寒骨態視寬博爲不可去視農務爲不可親甚至賤耕夫

爲牛馬羞耒耜爲桎梏勢將填溝壑猶曰貧者  
士之常及其年老志衰饑寒漸迫欲耕不能或  
邨中乞館或衙內傭書或趨豪門作食客巧迎  
合以媚主人工色笑以事奴僕其間態狀種種  
堪憐以是知先耕而後讀者不無意也 嘗思  
服垢敝者晝入都邑不勝慚沮及至入夜獨行  
或對畫中錦衣則自忘其陋何也夜行無人不  
見其形已畫人無知識不見其驕已人之遇物  
如入無人之境對畫中之人則無入不自得矣

世有富貴驕人者亦有貧賤驕人者夫富貴而  
驕不可也至若貧賤本無可驕者推其心不過  
曰良貴在我忘人之勢無人之家也第不思聖  
賢之旨如所謂藐大人者乃所以作士氣抑諂  
媚之風耳豈謂貧賤者可以勝氣加人哉縱曰  
有道卽周公之才美一驕且不足觀況不及周  
公萬萬者乎彼負氣者視貧賤爲可尊一見富  
貴輒施傲慢以求尊禮不知何所見而然也故  
無論富貴賤貧總以謙下爲盛德焉 初學者

譬如食物不辨美惡誤食則傷人故有迹同而味異不可不辨者謙與諂是矣夫謙之於人也其語言動作以下人爲主而諂之於人也其語言動作亦以下人爲主是其迹同也然而諂之下人也所以養已之和是其味則大相懸矣 七情之中損生害事者莫如怒易發難遏者亦莫如怒怒也者怒其害已也予思豺狼之於人也其害不甚慘乎然而人皆畏之皆欲殺之而未有怒之者以

其爲禽獸無知不可以人理相責也所以爲人者以其有是理也人而無禮尚可謂人乎安見夫禽獸而禽獸者爲不足怒人而不人者爲可怒乎第患自入於禽獸耳 從來世事私不勝理理不勝勢明哲保身不以寡敵衆不以弱敵強不以賤抗貴不以貧鬪富兵法有曰不若者避之小敵之堅大敵之擒也 語云與弱不欺與強不服弱不欺誠盛德也強不服是好勇鬪狠之愚人不可爲訓欲上人者莫若能下海以

下而納百川故成其神心以下而容萬物故成其聖是讓得人一步便高得人一頭古昔聖王猶自警曰予視天下愚夫愚婦一能勝予天子尚慮下人況以貧賤之身可不思畏人哉 天道報善則常遲報惡則偏速故馬伏波曰終身為善善猶不足一日為惡惡自有餘 無毀便是譽無禍便是福不求得譽但求無毀不求得福但求無禍而已 心不足則憂一旦疾病禍患臨身方知平安便是福人當於見在不足之

中設一未來不足之境則心自足矣 善取益者雖無君子以法其長時對小人以戒其短則賢愚皆為吾師 對古人書如聞古人語見古人事如與古人友儻不知擇即如遠君子而交匪人矣 一開口間賢者笑其非而不肖者惡其是有損無益莫若多言吉人詞寡從來稱盛德者每曰某公少言語以此思之智者之聒聒不若愚者之默默

玉楮集

王阮亭先生蠶尾集云安丘張杞園以明經需  
次翰林孔目博雅好古工篆刻喜交游青州名  
士也以寫本宋岳珂肅之玉楮集相寄集八卷  
有嘉熙庚子自序肅之鄂忠武王孫霖子官戶  
部侍郎著書甚多如金陀粹編程史愧郊錄皆  
傳於世又有東陞事略未及見此集乃衡府高  
唐王家鈔本流傳絕少高唐王諱某號岱翁工  
篆隸癖嗜古書寫錄多祕本鼎革後散落市肆  
紙墨精好裝潢工緻康熙乙巳予歸自揚州一

日至青州與杞園觀書市中得劉貢父春秋權  
衡意林二書亦高唐府中物杞園云曾見岱翁  
篆書入藥鏡一篇淳整茂密亦希有也

洪昉思贈曲

庚申南游蘇州顧雲臣爲余寫一浮家汎宅小  
照用吾家煙波釣徒故事也一時題詠幾徧作  
者錢塘洪昉思昇獨贈樂府四闕字句流麗似  
不在其所作四嬋娟長生殿諸曲之下  
錦纏道  
望桃花遍青山遙連水涯晴日散餘霞柳陰中

橫着一葉浮槎見一箇小漁童雙盤髻了見一

箇俊樵青是十五輕娃風味果清佳淡坐在短

篷低亞沿流趁淺沙一直去相通茗雪這的是

張志和泛宅遠浮家普天樂綠簑衣隨身掛青

箬笠籠頭大何須要象簡舄紗休提起御酒宮

花綸竿自拿只憑着筆牀茶竈生涯古輪臺慢

嗟呀紅塵十丈滿東華名場宦海風波大許多

驚怕蟻陣蜂衙總是霎時銷化漢室秦庭爭王

圖霸只忝得幾張殘紙費閒牙粧聾作啞總不如

隨處為家黃蘆岸側白蘋渡口綠楊堤下短楫

好輕划真瀟灑月明吹笛過平沙尾這丹青休

道是人兒假一樣鬚眉總莫差少不得西塞山

前認着他

寒輝潔公

釋隆潔字寒輝住平等菴與余交最久讀書不

多而欲於文字中求解脫嘗手書華嚴經兩周

晚年向嘉興購全藏以歸性喜吟詠尤長五律

有澹谿詩集行於世東谷待月畱別古宗云疎

雨收林末淡巖坐待君寒光今夜滿清影幾人  
分花落仍餘萼鳥棲尚顧羣明朝隨杖去畱愧  
此山雲天津夜泊云帆落江天暮林煙靜欲流  
隔溪魚換酒轉片月隨舟一聽關山雁遙知海  
岱秋鐘聲來處遠更覺客情幽答止一惠葛云  
細葛來東海含風到草堂竹窗疑退暑石榻欲  
生涼鳥喚朝煙溼花分夜露香殘經時在案敢  
向坐中忘同寮諸友邀游東禪寺云曉起開山  
徑相將汎渚煙先生懷角里白法扣東禪秋色

荒吳越鴻聲動海天歸期猶不定徙倚暮雲邊  
泊無錫期汲惠泉試茶不果云晚煙生斷浦客  
棹住寒塘北海潮聲杳東吳夜氣涼暗芳開燭  
影幽意續鑪香徒有西山色名泉未許嘗宿金  
山懷故鄉云日暮煙江碧潮聲上釣磯月高疎  
磬落雲動老龍歸暝坐聽鴻雁遲眠憶蕨薇不  
知今夜裏誰掩故山扉京口送大甦請藏歸黃  
州云樹暗千山雨江寒萬里風櫓聲天地外鄉  
夢水雲中到屏芙蓉老還家橘柚紅始知京口

月不與上方同江上別懷質云溪秋江上別南  
北意蕭蕭解纜雲根動牽衣水色搖曉霞分去  
影疎雨帶回潮向晚孤舟泊思君不可招

袖石道人梁氏

梁頥字秀仲袖石道人其別號也適諸生韓朋  
桓齊鄰夫婦皆能詩而秀仲尤以才勝予嘗見  
其難游歸來二草記其答何徵識云宵慚明月  
曉慚花弱質如萍寄海涯一路雲山千里樹凝  
眸何處是儂家答蘇雪堂云詩語何人妙古今

雪堂歸去好長吟蘇君怪得多狂興自有朝雲  
是賞音除夕云若箇敲門到舍前鄰兒持紙乞  
春聯舉頭看日低頭想始悟明朝又一年清明  
獨坐云離情不喜問清明惹起傷心百恨生猶  
憶當年谿上事一番春夢付啼鶯又枕上雙痕  
起未勻樓頭凭看碧湖春癡情欲遣閒情去柳  
絮楊花妮煞人又與朋桓聯句云梨花皓月元  
同色風竹流泉不辨聲亦佳句也

朱記室

馬三如孝廉既以文章名一時家學陶染僮僕  
知書朱廷佐者其記室也嘗有寒河晚眺一律  
云樓閣連峯翠鴉歸五柳莊松濤鳴野寺澗水  
響山房策杖觀飛瀑攜琴臥石牀沙明疑月上  
霜色滿寒塘又真如寺古梅云蘭若幽篁裏湖  
光雁影回初春寒薜荔微雨潤蒼苔古塔窺高  
鳥層樓俯老梅夕陽明晚水舟去鏡中開皆琅

琅可誦

渠丘耳夢錄乙集終

